

I doturs **Eduard Agreiter y Grete Mahlknecht** lascia alsavèi che so ambulatore sarà stlüt en dedolönesc, ai 05/01, domisdé.

Aldiënza dla defensurja zivica Gabriele Morandell o de süa vize Verena Crazzolara, en vëndres, ai 8 de jenà, dales 14.30 – 16.00, a San Martin tla ciasa de comun. Info: tel 0471 301155, email: Verena.Crazzolara@volksanwaltschaft.bz.it

PLOANIES SAN MARTIN Y LUNGIARÜ

I consëis de cöra da **San Martin y da Lungiarü rengraziëia** dër bel chi che á porté pro al festejamënt di Rorate y düc chi che s'á dé da fá por informí sö la dlijia y tigní cun solenité les festes da Nadé.

Le ploan ti dij dër bel dilan a düc chi che á, por les festes da Nadé, porté spezieries o fat val' scincunda ala colonia.

SAN MARTIN

Incö domënia, 03/01, é i **scric ite pro le KVV inviá** do mësä ia tl salf dla refeziun a sté n pü adöm pro val' da bëre y da mangé.

I sperun che tröpes portes se dëures y toles ite cun ligrëza i **Trëi Resc che gnarà:** en lönesc, 04/01:

danmisdé: a San Martin y Mirí y Stufles

domisdé: a San Martin, Stufles, Pespach y Bioch

en dedolönesc, 053/01: danmisdé: Ju, Prousc Tor y Preroman

domisdé: Zona artejanala, Pradel, Restalt, Picolin y Alfur

I Trëi Resc jarà incé a ciafé les porsones tla Ciasa de Palsa en Santaguania do mësä. Info pro Martina 349 64 73 206.

LUNGIARÜ

En lönesc y mertesc, ai 4 y 5 de jená, vëgnel i Trëi Resc. I sëis dër bel inviá da s'abiné tles vijinanzes y da i tó sö cun ligrëza. Ai porta fora la buna noela da Nadé a döt le païsc da Lungiarü. Tla plata injuntada ciaféise i posc y l'ora olache y canche i Trëi Resc storj pro.

Le **Comité de cortina comunicheia** che por intant resta le regolamënt de cortina inant anfat: crusc de fer y zorga de pera sciöch'al é scrit dant.

I agn dla vita se desfanta y passa ia sciöche n rü.


Patrun dl tëmp, t'as ôt na plata dl sföi dla vita indô danü.

*Te scries it' cun lëtres santes; mi cör al stënta da capí;
la fede, prëii, Signur, m'insëgnes le tru datrai dër ri da jí.*

*Scincunda é chësc ann che s'röia,
dilan te diji vigni de.*

*Le bëgn ch'i m'á jomé me möia,
mo al me tëgn túa fedelté.*

*Te tues mans é mia vita,
ch'i pois l'implí d'amur y pêsc.
Y šëgn che t'es tl oje plata,
fá che mi sföi ne restes ôt.*



www.unitepastorala.org

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

03.01.16 - 10.01.16 nr. 6

termo da publiché: jöbia 20.00
radio: 90,40 / 93,70



2ª DOMÈNIA DO NADÉ

Vangele do San Jan 1-5.9-14

Tl pröm êl la Parora

Te ëra êl la vita ...

Y la löm lomina tla scuritë ...

Y la Parora é gnüda cern

y à abité danter nos ...



San Jan cunta la storia de Nadé y ne dij nia, no de Maria o de Ujöp, no de na stala o de na cianê, no de famëis o de agnui.

Insciö ne cuntel nia ma de Nadé, mo de döt le monn, dal mëte man cina incö. Cun espresciuns importantes plënes de significat cuntel la storia dl monn: Idî, la parora, löm y scuritë, la parora che é gnüda cern, la gloria dl Pere. N'abondanza de de gran y de beles parores sciöch'i stessun dan da na porta demorvëia ch'i ne sun nia bugn da daurí y da passé ite.


Y ciamó tratan ch'i ponsun y porvun da rovë ite tl monn che é iadedô, se deura la porta da sora da daite, y na usc nes dij: La Parora é gnüda cern, n chëstian ortié da Chël Bel Dî vëgn fora de chësta porta y abiteia danter nos. I ne sciafiun nia ciamó da jí tl paraisc, mo le paraisc ciafa so tru y vëgn da nos. Chësc é Nadé y tl medemo tëmp la storia de döt le monn.

SANTAGUANIA

Vangele do San Matü 2,1-12

Do che Gejü é nasciü al tëmp dl re Erodes a Bètlehem, él gnü scienzià dal oriënt y damanà: Olá é pa le re di iüdes che é nasciü? I ùn odü jon sö süa stëra y i sun gnüs a l'adore.

Al é foresc che é piá ia y che gnô sburlá dal deijer da jí a chirí y ciafé val' deplü. Ci ch'ai chirí é por ëi plü important co ci ch'ai â bele arjunt te süa vita.



Te túa situaziun, olache te n'es forsc nia contënt cun túa manira de vire y te te stëntes da ciafé ci che te dá completëza, la vegheste da te lascé ite sön val' de nü? da jí a chirí y ti jí do a indicaziuns che ti dá lominus a túa vita da vigni de? Mineste bele da avëi ciafé Chël Bel Dî, da ester rovë tan inant che ël implësc túa vita? Apëna. Spo pëia ia!

	SAN MARTIN		LUNGIARÛ
03.01.16 2^a DOMËNIA DO NADÉ	9.00 Corona 9.30 Gran Mëssa dla comunité a d'intenziun dl KVV Benedisciun dl inzênc, dl sè y dl'ega santa 11.00 Bato de Ida Moling	03.01.16 Domënia	7.55 Corona 8.15 Gran Mëssa dla comunité Benedisciun dl inzênc, dl sè y dl'ega santa
04.01.16 Lönesc <i>Angela, Angelica, Roger</i>		04.01.16 Lönesc	
05.01.16 Dedolönesc <i>Emiliana, Milia, Didach</i>	10.00 Comuniun ai amará 15.30 Mëssa tla Ciasa de Palsa 18.30 Mëssa prefestia 3 ^a de sopoltöra de Loise Palfrader Dasser + Albert Conrater (dl ann) + Pire Rindler d'Al Plan	05.01.16 Mertesc	8.30 Comuniun ai amará 20.00 Mëssa prefestia + + Paul y Zita Dapoz + Fonjo Mischi + Matî y Monica Clara
06.01.16 SANTAGUANIA APARIZIUN DL SIGNUR <i>Casper, Marciun, Baldessé</i>	9.00 Corona 9.30 Mëssa solëna dla comunité	06.01.16 Mercui	7.55 Corona 8.15 Mëssa solëna dla comunité
07.01.16 Jöbia <i>Valentin dla Rezia, Raimund</i>	7.30 Mëssa + Frida Ploner Vantsch + + Marcello Peccei y Guido Delazer + + Pepi y Hilda Mutschlechner Corona por vocaziuns	07.01.16 Jöbia	
08.01.16 Vëndres <i>Severin, Erhard</i>	19.00 Adoraziun chîta 19.30 Devoziun da Nadé	08.01.16 Vëndres	7.30 Mëssa + + Scebio y Angela Nagler + Giovanni y Sabina Clara + Vittoria Clara
09.01.16 Sabeda <i>Iulian, Alex</i>	15.30 Mëssa tla Ciasa de Palsa 18.30 Mëssa prefestia dl ann + Maikol Bassutti + Pepi Deiaco, Larjëi + Nando Flöss	09.01.16 Sabeda	20.00 Mëssa prefestia a d'intenziun
10.01.16 BATO DE GEJÚ - C	9.00 Corona 9.30 Gran Mëssa dla comunité	10.01.16 Domënia	7.55 Corona 8.15 Gran Mëssa dla comunité